

Ñerra'm yemneñ o'ch e'ñe pocte' es yeßanna'ta ñaña  
ñerra'm yemneñ o'ch e'ñe cohuen mueche'ť yeyčhena añe  
patsro, añ poctetsa o'ch yeñotua. Atfo ye'ñalletesa arr  
patsro e'ñe atfecma cohuen yesherba'yen allohueney  
ñeñfey yečha'yetsa añe patsro, amach eñalle ñeñť  
atsenatpo' entenet.

Ñaña allohuenacpay ñeñfey arromñaťey e'ñe atfecma  
eñall ñeñť otenet derechos ñeñťcha' e'ñe cohuen  
yocshatene' añe patsro. Ñeñťpa' ama't eseshapa' amach  
puerratañperryeto ama't errponaña. Tarraña yeñoteñ  
ahuaťoteñ ñerra'm esempo acheñenesha'pa' ama esoye'  
eñchete'ťe añ derechos, ñetpa' erroťuanen pa'yeseťť  
po'potantañ ñeñť tsena'tenet. Ñeñťpa' yeñoteñ yeyočhro  
ama ařapahuoyaye. Ñaña yeñoteñ añ atarr cohuen  
allohuenacpay ñerra'm čhap allempo allohueney e'ñe  
cohueno'tsa'yeney arr patsro. Tarrow'mar ñerra'm ateť  
yocsha'yena arr patsro amach es ya'mčha'-  
nočhtana'tenaye, amach eñalle ñeñťcha' yemueročhtatene'.  
Ama't allempo es yeños po'poñ ñeñť cohuen yenten ya,  
amach eñalle ñeñťcha' yote' eso'marťe' peñen po'poñ  
coľařñats. Ñerra'm yapa' yame'ñeña po'poñ ñeñť cohuen  
yenten ya amach eñalle ñeñťcha' yepatare'tene'.

Ñeño'mar yeñoteñ e'ñe pocte' o'ch yene' ñoñets atfoch  
yeñotatanna'tyena ora allpon añ derechos atfoch  
allohueney e'ñech cohuen yentannena allochñapa' amach  
eñalle acheñ ñeñť amueročhtatareťtetsa. Allochñapa'  
amach orrtateneto ařparñats ñeñť ateť  
amueročhtatareťtenet.

científico'marecop, ñeñt'pa' ñeñt'cha' yenpuenahuet alloch  
ello atarr cohuen ye'cha'yenet arr patsro.

(2) Ña'ña ñerra'm esesha' ye'chcatene' ñeñt' atarr sherbets  
allohuenacop ateñ ñerra'm ñeñt' científico'marecop amapa'  
ñerra'm libro ñeñt' quellquënet allohuenacpuet amapa'  
erra'tsen po'taruas ñeñt' atarr sherbets allohuenacop, ñapa'  
echenan derecho at'foch ganena quelle po'taruasoñ ña'ña  
echenan derecho at'foch coshapreteñet po'taruas,  
amuepa'ch aprratañpsareñtena po'derecho.

Coñapñats 28. Ña'ña ora allpon derechos ñeñt' aquellcareñ  
arr, allohuen ama't erra'tsena acheñer echenet derecho  
o'ch e'ñe ateñ perret. Ñeñt'o'mar añ poctetsa pañe'tets  
anetso orrtatyesetepa' pa'namen cohuen proyectos at'foch  
acheñenesha'pa' entyerret ora allpon po'derechos.

Coñapñats 29. (1) Ña'ña allohuen ama't erra'tsena acheñer  
echenan po'deberes po'potantañecop ñeñt'ara pamo'tsesha'  
ñeñt' parro ye'chenet pa'netsro. Ñeñt' deberespa' ñeñt'pa'  
at'fo e'ñe cohuen yeyenpannena. Ñerra'm ateñ yeperra e'ñe  
all yamo'tsesheshopa' e'ñech cohuen yey'chen at'foch  
yetsotuerr ñeñt' e'ñe cohuen puesheña'ttsocpay.

(2) Ama't yechyeneñ shonte' pa'namen derechos ñeñt'cha'  
yorrtatyen, ñarraña amach aña yorrtatatsto ñeñt' at'fo  
erroñuanen yepañ po'psheñeñ. Ñarro'mar ñeñt'pa' ama  
apapahuoyaye ñeñt' ateñ oteney ley ñeñt' anareñ. Ñarro'mar  
ñerra'm erroñuanen yepañ po'psheñeñpa' at'foña  
yeprratañpeñ ña po'derechos. Ñarraña ñerra'm e'ñe

Coñapñats 2. Ora allohuen allpon acheñenesha' ñeññ añe patsro'tsa'yen, atfecma echyenet añ derechos atfoch e'ñe cohuen yecha'yenet arr patsro. Allohuenet atfecma echyenet añ derechos ama't erra'tsenñe' po'mñeñtsoret penet, ñaña ama't erroñena orrtenet, ama't quelluareret ama't ñaña ñeññ huallama'ñareret, ama't coyaneshohuenet atfecma echenet añ derechos. Ñaña ama't erra'tsenñe' ñeññ po'yomporer penet ñaña ama't erra'tsen coñape'chyenet ñeññ cohuen entyenet po'gobiernocop ama't po'poñ poñapñar e'ñe atfecma echenet añ derechos ñeññ allohuenacpay ñeññey arromñañey arr patsro. Ama't ñeññ huocchañetets arr patsro, ñeññ ama es echyetso arr patsro ñeññ ama esoye' enteneto, ñetpa'cho'ña e'ñe atfecma echenet añ derechos ñeññ allohuenacpay ñeññey arromñañey. Ñaña atfecma echenet añ derechos ama't erra'tsena anets all yecha'yenet ñaña ama't erroñen po'gobierno echenet all pa'netsro. Ama't po'gobierno aña'noçhtana'tanetañ amapa' e'ñe cohueno'tsa'yenet e'ñe atfecma echenet añ derechos ñeññ allohuenacpay ñeññey arromñañey arr patsro.

Coñapñats 3. Allohueney yechen derecho o'ch yocrrena arr patsro amach eñalle ñeññcha' aña'noçhtana'tenaya. Elloña eñall ñeññcha' yemoñenaya.

Coñapñats 4. Ama't puesheñarraya acheñey amach ataruasatareñey e'ñe atña. Amuepa'ch pomueñeto acheñ ñeññcha' taruasatenet e'ñe atña, ama't erroñena.